



鰲峰集一

~ 16
2335
1



門和
2335
卷一-3

鰲峯先生集卷之一目錄



謚狀

行狀

詩

五言 絕句

醉贈仲初

書藥師丈室

與安習之飲斷橋下走筆贈之

贈李宜

別慶林君

詠梅

遊山呼韻

我太祖大王平阿只拔都于雲峰回軍時率從事官鄭圃隱諸公登全州萬景臺置酒高會都事周樽先吟此事因次其韻

次東巖韻

將別歌兒文容呼韻戲書歌扇

杜鵑

贈太幸上人

臨漢江有感

丁丑三月十六日出遊家後碧川山勝殿峯偶成

光州客舍墻下黃白兩種菊枝葉半枯有感於

心因詠三絕

戲贈趙士強

雪中遇客

次河西韻書澹俊詩軸

坐新倉院樓觀江浪

丁亥臘月大風吹動衙竹夜半聞鴨鳥驚鳴有感而作是幸有仙山損竹倭變民間騷動故云爾

遊松京滿月臺

七言絕句

登大蔚嶺權秀才應衡呼韻

過楚山避小雨登任佑樓

書內藏山千佛殿

重陽題板橋院

咏綾城庭梅

暮宿尹漪文容小齋因題壁上

題丈室壁

白菊微有紅色者世之好事者謂之醉楊妃故戲書一絕

題富安民居屋壁

戲題

時聞礪俾被論

奉次思菴相公韻題澹俊詩軸

丁浩狀折寄梅花一枝喜贈一絕

維摩寺下紙幕村邊與李士靜士武放鷹酌酒將

別因贈一絕

奉贈張上舍叔鸞

贈宋文約

臨別贈佳人

贈宋國徵宗獻

金公應寅好彈伽伽琴倩妙手兼畫霜竹請余題詩因贈一絕

全州南亭贈邊季珍安雲卿

送鄭太守復始

奉送金慕官種得地

奉別羅州牧使金公誠一

江西寺別洛浦仙

途中偶吟

暮春偶吟

偶吟

萬淵道中偶吟

偶吟

漫浪吟

戲吟

咏梅

詠金錢花

咏橘

咏蜂

咏帶雪蒼松

詠成均館雪栢

咏和順東軒梅竹

風流嶺吟得一絕

舉義兵日賦一絕

己卯三月三日余以博士代讀課試口卷罷後

過梨峴見舍春苑落花亂飛因賦二絕

拜 孝陵有感

卸鞍憇於南原番巖吟得一絕

丙子冬以都會試官往靈光佛甲寺聞鍾

祭於 宣陵漢江舟上口占二絕

馬上口吟

在京師憶家山春興

萬日寺雪中與南敬甫唱酬

崔蔚山慶長酒酣呼韻因為走筆

觀碁

孝陵聞杜鵑

蕪來寺夜雨聞鹿鳴

聞 大駕幸平壤

過梨峴聞舍春苑鶯啼有感

長城客館聞子規

次濟南亭韻

奉次天將王指揮大顯韻

次天兵退休韻

關西僧戒明詩軸次尹左相韻

次高而順三色桃花兼畫鸚鵡韻

南原龍潭亭次子順韻

次安習之韻

次權應寅韻贈輝上人

水林亭次辛白麓韻

次青溪韻

次盧公彥客中聞雁韻

次辛白麓韻

次淨源詩軸韻

次青溪韻題水林亭

次尹季初韻

奉次海運判官韻

內藏山遊賞楓葉次尹敬差官覃休伯亨韻

上巳日與客看花山下權子由承南司評敬甫

詩醉次其韻

次景涵韻

飲洞庭春次李謫仙韻

禹陳巖

偶吟

金山寺僧沁輝詩軸次鄭湖陰韻

馬耳山

錦江道中

祭於靖陵日余以典祀官泛舟於漢江向陵

寄曹察訪允祉時在咸興

過蘆嶺

贈盧公彥

寒風樓

謾成

龍潭邠之峴

柳枝詞

湛晶師佩酒來

望靈巖鄉校舊基

過吉再先生故居

癡終南山

秣馬川原驛

富安道中

茂朱途申

懸雲崖道中

悲李大源

大源丁亥二月二十一日以鹿島萬戶與倭賊遇於損竹島大源禪戰船先進

奉慰金歎耳聾

諸鎮船民鐵丸皆退走大源力戰
敗死余哀其忠節因為賦詩以吊

次濟南亭韻

嗽階下小井

瀛洲十八仙

張上舍淑鸞挽歌

挽扶安訓導

登木梅嶺馬上口號

五言四韻

題蕪來寺

題雲住寺

題雲住南臺

醉中戲題吳玠京獻楓巖亭

醉贈金希禎應鰲

贈天佑上人

奉贈鹽鐵官安君宗吉

奉送申亨老赴任安陰縣

送明遠年兄歸關東之歎谷

萬福寺別蘇宜卿

和順縣詠梅

閒居謾興

聞 大駕幸平壤

次李從運鷄韻

次盧宗之韻

次白樂天春溪好韻

次白樂天難忘酒韻

輝僧詩軸又和鵝溪韻

次李嘉平培達江亭韻

二首

丙子夏以公都會試官在全州次李參奉仲祐

次柳希仁書堂韻

次金公緒韻

次朴堅千家韻

平橋途中

與南敬甫宿金新溪書堂

達梁古城口堞殘毀追感乙卯倭寇憑凌全軍覆

沒因詠一律以寓悲憐之意

冬日題滌心亭

次曹淑思樂亭韻

次抱月亭

亭在海州江南主人李守誠慇懃請賦
敢安栗谷設以贈之

趙王立挽歌

挽咸悅守姜孟業

輓金新溪

輓陸太守大春

輓卓君豫

輓羅進士士惺

輓歌

題延安樓

七言四韻

題新倉院樓

題柳希仁伴鷗書堂

題勝殿菴

題邊山

蘇來寺題熙長老壁上

題扶安公館

題漢江江亭

題長洲白沙亭

春日遊山用放翁韻

遊金洪書齋

游松京滿月臺

游靜修書齋後豹霧谷

丙申九月九日携家屬上碧川山上遊賞吟得一

律以承子姪

與詩山守安習之向金山寺路中作

蘇來寺見辛白麓效鄭知常體因用效其體以贈
德熙長老

黔浦道上

雲住路中偶吟

與秦仁倅柳公地酌酒間話於蓮堤上

過荒山有感

登斗升山頭古城

同秦仁倅柳公地登縣前小山

登月井臺

登萬日樓觀花有感

余以烽燧軍推鞠差使員三朔之內三登海南牛

蹇時回視江山有感而賦之

上東學堂後峯

題金山寺

題三清洞契會圖

題吸香亭

題成均館契軸

題順天公館

下第後書旅懷

次青溪韻題水林亭

代小姬次碧城守金鎮韻

與安羽之飲斷橋下走筆贈之

敬天驕邊海棠爛開馬上咏一律贈金汝器

夜宿蕭寺贈公彥年兄

宿靈源寺贈李士武

金溝公館遇雪贈安雲卿

送朴光王景瑗赴燕京 二首

送許判官子賀赴北青

送鄭太守復始

送鄭年兄以周赴燕京

送李彥潤赴咸鏡書記

送金公緒赴任海美

奉別金敬堯官還京

由別

丙申秋奉別呂先生裕吉赴任公州

春日村居謾興

萬頃聚遠亭次盧士雅韻

次快心亭韻

次青溪韻

鶴峰先生集目錄 十一

次士晦珍島公館韻

次梁學官大襟韻

羅德明次坦蕩亭韻自詠其書齋走筆步韻

次南原東軒韻

次金正纘先韻

次天將憑相公詠雪韻

又次馮相公韻

原韻

次安大道韻

次抱月亭韻

次培風軒韻

次車君雲輅

次宗之韻

茂朱次寒風樓韻

和李黃鍾仲初坦蕩亭韻

羅德明克之送葡萄兼寄一律因步其韻

次苔軒韻

次鵝溪韻贈僧

次李敬差純仁韻

次朴敬仲韻

鶴峰先生集目錄 十一

蘇軾先生集目錄 卷之三

白嶽山淨土寺雙溪樓次圃隱韻

次安大道韻

次鄭季涵韻 松江

次梁學官大揆青溪洞韻

次聽潮樓韻

次高濂之亭子韻

雙仙亭次河西韻

次養真堂韻

雁

枕碧亭

伺侯島海棠花

錦水亭

題富安申所寓民居室壁

題龜巖

遊赤城

寄務安徐進士尊丈

遊邊山質相寺次伏巖韻

待敬筮官坐嶺上偶吟

題 孝陵典祀廳壁上

訪鄭慶遇於霞谷臨別留題精舍壁上

蘇軾先生集目錄 卷之三

卷之二目錄

羅牧任允臣景龍挽歌

申直長彥沃挽 二首

申彥淡挽 二首

跋文

李益恭

新溪縣令金公墓銘

崔公汝浩墓誌

處士金公齋參墓誌銘

高敞縣校重修記

墓碣銘

尹舜舉

卷之二目錄

進保邦要務疏

保邦要務 四十二條

擇城堡

選將帥

明軍政

專務財

改鎮規

守要害

置糧官

立馬政

蘇翁先生集目錄 卅五

修軍器

知技能

撫軍卒

務邀擊

存賊壘

勤攻守

勿恃和

礪復讐

用田賦

審不文

限軍官

定告身

勿侵族

禁屠牛

薦賢能

卷之三目錄

徙奸吏

弭盜賊

尊教官

立察官

蘇翁先生集目錄 卅五

省刑罰

務農桑

權米布

擇守令

流書員

許訴愆

黜貪墨

杜侵漁

計屈敵

置四輔

建屯田

振紀綱

獎清白

尚禮義

明聖學

征倭檄

祭燾文

祭大菴山之靈

祈天祭文

賀改宗系

性理書踐履甚篤戊午中進士 宣廟癸酉擢文
科栢臺徽垣歷敷清顯自同副進左承旨間典三
郡所在有聲壬辰倭亂作 大駕西幸公以淳昌
縣監聞報起義旅傳檄全州錦山諸邑於是南州
人士應檄齊會于參禮驛推公為義兵大將時湖
南倡義者有三一曰倡義使金千鑑二曰招討使
高敬命三曰募義使即公也率子弟所及家僮
與義旅數千赴 行在次高山聞賊陷錦山進至
熊峙與賊五戰為其所圍晏力戰而死公矢盡弦
絕勢甚危而奮勇愈厲手擊賊殺傷甚眾賊乃解

圍去使二于扈 駕龍灣聚義穀數千石由水路
餉于 行在 上嘉之曰凍天颶風利涉千里奇
哉奇哉既還郡復率郡兵至長城召募得數百人
地主李忠定貴召募使邊以中咸曰公之再舉義
旗忠貫日月志固金石真義士也因推公為大將
行遇倭稷山縱擊斬首數百至振威斬偵倭十三
級將趣中和邀擊行長被沮遏經還聞賊再犯湖
南追至海南凡九戰破之由是賊不敢登陸而北
賊既平公以大亂之後備禦之方不可不謹乃撰
經國安民之策凡四十二條各曰保邦要務陳疏

以進而於明聖學，尔異端三致意焉。萬曆己亥二月二十二日卒于漢師，壽七十三，葬于古阜。優德面萬宗，麓坐卯原。孔子曰：我戰則克，祭則受福。蓋君子學道，其講磨義理者，孰故行三軍則好謀而成，亦以其忠勇有素養也。公天姿高明，學於儒賢，切磴道義，傑狀為文垣之宗，匠士林之冠。冕當時名流，莫不敬服而趨嚮之。等室于鰲峴之下，樊進後學，口者爭歸之。循序誘掖於修己治人之方，切問近思之要，井狀有條，鴻儒多出其門。顯廟甲寅，建祠于古阜，之道溪而俎豆之。金農巖先生

撰其享祀文曰：研精經學，早自得師。愷悌寬樂，綽有餘徽。狀則公於昇平之餘，倉卒遇亂，號召義旅，以當方張之虜。所向必捷，雖忠義根性才智過人，足以立功，而可知其得於學問者深，故能如是也。維廟己丑，贈吏曹判書。今上甲寅，因儒生請命，賜謚公配。金海金氏參奉潤珠之女生五男二女，視判官曙行奉事。贈兵曹參判，奉事所寺正壬辰，癸亥原從勲，暹監役庶子晏戰。贈戶曹參議女韓，典臣徐夢璉後承蕃，行不能盡記。七世孫永源來請為狀，移太常謹撰次如右。

崇祿大夫行吏曹判書兼判義禁府事知 經
憲春秋館事弘文館提學同知成均館事五衛
都摠府都摠管尹定鉉撰

竊觀世入之以文集行於世者多矣其不歸於空言
而為有之無所補無之無所闕者幾希今於鰲峯金
公遺稿得所為保邦要務者讀之深有感焉如此者
方可謂有用之文而不可以泯滅者也蓋公丁萬曆
上辰丁酉之難目擊時艱方物出謀為此四十有二
條以獻於 朝其為說稽之於經而有本驗之於史
而有據其鑿鑿於時務事情之必然者又皆明白切
實而無可疑嗚呼安不可忘危治不可忘亂脫有緩
急如異時則當事任者寧不有攷於斯耶至其論禦
寇之策而本之於安民究安民之術而歸之於講學

條理不紊源委俱舉有非一時計策之士為然為一切目前之面而已於此益可見公之為學識其大者如此豈不又賢矣哉公諱齊閔乃李一齋之門人也登第官至於寺正吾仲父童士府君實銘其墓公為人冲澹寡慾其形於聲詩者猶可想見嘗跨馬獨行遇劫盜於山間公色不變徐謂之曰盜乎聽我言我為金某嘗為官人而所騎只款段也沒得一款段而有殺官人之名無乃利小而累大耶盜笑謝而去其行事類此時人以淳古長者稱之不知其有蘊也然見其所論即古所稱識務之俊傑何以加之信乎有

誠則才亦隨之而學與政果非為二事也顧不得見用於時有所展布朱夫子有言曰世固未嘗無材也唯其生於下邑既無以自振而又知自貴重不肯希世取寵遂以陸沉下僚不及究其所有者為不少矣視公偶吟一絕正與夫子之所歎者合令人尤有感焉為三復而不能已也公之玄孫麟孫龜孫持是稿示拯而曰將欲毀梓願得一言以傳之拯辭不獲受而卒業而謹書其所感如右以告觀者云

崇禎紀元後甲子三月下泮坡平尹拯序

慨痛哭乃率諸子北向四拜而流涕不已曰今值
至尊蒙塵宜有微臣殉國之義也遂作一詩曰三千
里外一孤臣悵望關西淚灑巾驛路多憂豺虎亂何
人能扈屬車塵公之子寺正公所庶子副正公晏亦
皆曰其可顧私不紓君父之急乎公於是草檄倡
義義聲所到一道忠義之士莫不應檄而起公率義
旅將勤王屯于高山之大范山下有詩曰非石貞
心不可轉八風吹動豈曾知勤王一紙能搖得悲
涼雙垂舉義旗聞者傳誦增慨未幾倭寇既拔錦山
大驅向全州公奮然發歎曰全州即我朝豐沛之

鄉而先王醉容所在也尤豈可任其陸沈乎先拒
却此賊以保根本之地由此而西赴為次第事也遂
誓衆而發到熊峙與金堤郡守鄭湛海南縣監邊應
井據阻隘結魚麗陣造木柵橫斷山路賊兵數萬驟
至公與二子立於矢石之所賈勇督戰賊五前五却
而被殺傷者多副正公告于公曰賊勢猖張蟻援不
至父子三人同死無益願自此罷還更圖再舉又謂
寺正公曰老親方欲勤王而宗難遠赴兄宜替舉
吾則今當力戰而死耳乃奮劍躍馬而出突擊如飛
而馬忽顛蹶為賊鋒所害賊亦服其忠義收屍以瘞

而立標識之公與寺正公抽矢迭發賊多應弦而斃
亦有氣挫而遠遁者矣公為主將所沮遏終不得西
赴而乃入於錄勲實以湖南戰功之勳也大亂之後
憂國之誠益復惓惓撰成保邦要務即安民之策禦
敵之略四十有二條陳疏以進焉晚歲卜築天台山
之鰲峯下倘佯乎其中適然有自適之趣宗黨鄉隣
莫不稱其睦恤之義當大飢之歲行劫之盜縱橫而
聞公高義亦知感服相戒其徒俾不犯公所居之村
焉公之所與從遊率多名碩如月汀齋峰推許甚重
儘可謂見其木而識其山者也 萬曆己亥二月二

十二日以疾卒葬于古阜之優德谷負震原歿後百
餘年鄉人尊慕不已建祠于道溪以盡虔奉之儀金
農嚴昌協撰其祝文曰研精經學早自得師愷悌寬
樂綽有餘微公之平日志行於此槩可想也有文集
行于世公配金海金氏參奉閩球之女附葬公墓有
五男睨判官曙 贈參判擘奉事昕軍器寺正暹副
正側室子晏副正 贈參議二女適韓昇臣徐夢璉
判官生二男地元地宗一女適曹浩欽判生三男地文
地粹文承旨號苔川地華一女適金孝元奉事生四
男地成地千地生地兼二女適梁夢說文縣監裴命

純府使寺正生三男地英地興地完三女適金壘朴
文郁金大樑副正生二男地行地允一女適鄭龍內
外曾玄數百不能盡錄余深懼公遺蹟泯沒謹笺錄
如右

崇禎後三甲子孟冬崇政大夫議政府右贊成兼成
均館祭酒 經筵官恩津宋煥箕撰

鰲峯遺稿卷之一

五言絕句

醉贈仲初

青山逢故人野店梅花發相携勸一盃莫報樽中渴
書藥師丈室

蕭然方丈淨涼月暎踈松客枕初圓夢驚回半夜鐘
興安習之飲斷橋下走筆贈之

沙邊人半醉江一月黃昏悠悠橋下水千里去無垠
贈季宜

塞外三年別相逢不可期梅花一樽酒携手話深思



別慶林君

誰言犬天淚不洒別離時與子將分手班班自滴危

詠梅

南國人初別梅花發故林欲傳千里信迢遞暮雲深

遊山呼韻

雲間山一簪風泛花千點乘醉兩相忘莫言無拘檢

我

太祖大王平阿只拔都于雲峯回軍時率

從事官鄭圃隱諸公登全州萬景臺置酒高會

都事周博先吟此事因次其韻

雷震征倭後龍旗指故家登臨歌凱意孰與大風多

次東巖韻

秋風一短筇來自顛流寺胸次淡無塵故如珠在水

將別歌兒文容呼韻戲書歌扇

翠袖顏如玉含愁倚脩竹臨分腸欲斷莫唱陽關曲

杜鵑

月黑前山雨更深謝豹啼聲聲訴幽愁歸思錦江西

贈太宰上人

碧眼雲邊衲扶筇乞贈詩滿衣山翠濕玄理定深思

臨漢江有感

綠暖春江水萋萋岸草新淩波無撿楫愁殺渡頭人

丁丑三月十六日出遊家後碧川山勝殿峰偶
成

暫憇青山下山花映碧巖東風知客意吹藥點春衫
松間伏一巖有如龜出曝堅姿亦好奇欲遣花戲六
偶然乘晴暉閑隨蝴蝶出花開正滿林不煩殷七七
白水滿春畦農夫方舉趾莫嫌來饁貧雨後山蔬美
千重海上山大地鍾神秀安得勝飛鸞餐霞迓永壽
睡餘乘興遊快陟峯青卓微物亦自閑山鷄鳴角角
併傾詩亦成日向西岑沒戀戀起還休松風韻琴瑟
光州客舍墻下黃白兩種菊枝葉半枯有感於

心目詠三絕

數朶蕭疎菊霜摧正可憐未成佳節會空待隔年期
可憐菊何晚花吐墮霜時憔悴空庭畔誰將泛酒卮
絕代佳人在霜風玉色寒音書千里隔獨立淚痕乾

戲贈趙士強

窈彼孤蘭草含香倚小園却愁風擺蕩腸斷立黃昏
雪中遇客

寒風吹小雪日暮客初來綠酒頻相勸離懷得好開
送西河西韻書澹俊詩軸

住筇巖石罅鳴磬冷杉風汲冰和松葉敲冰小澗中

坐新倉院樓觀江浪

樓下長江水悠悠萬古流險分南北岸誰作濟川舟
丁亥臘月大風吹動衙竹夜半聞鴨鳥驚鳴有
感而作是年有山山損竹倏變民間騷動故云
爾

風打空園竹羣鳥半夜鳴
插巢驚不定人鳥一般情
七言絕句

遊松京滿月臺

跋瓦頽垣沒草萊前朝遺跡但空臺
青山鬱鬱含愁態落日松風韻自哀

登大蔚嶺權秀才應衡呼韻

身世如今偶得閑短筇徐步上孱顏
松杉踽踽夾相映紅綠千層暮靄間

過楚山避小雨登任佑樓

古運連雲入翠微荒園無主草離離
空樓空屋題詩罷細雨關花落半池

書丙藏山千佛巖

未束龍簪碧瓦齊手携筇杖上丹梯
登臨正值春將曉山杏桃花好鳥啼

重陽題板橋院

蘇慙今日是重陽
籬菊凌霜滿
意黃不見白衣人
送酒臨風空嗅去
弄香

詠綾城庭梅

官梅消息雪中聞
剛被霜欺半未開
欲寄江南千里信
美人何處暮雲堆

暮宿丹滄夾容小齋因題壁上

水田籬落山圍屋
蒼翠蕭疎墻外竹
自暮乘機問主人
小亭飲罷同衾宿

題夾室壁

方丈蕭然宿霧濃
鞋留軒面積
披錦孤衾客手眠
難

穩又被沙彌半夜鐘

巖扉無迳白烟封
警露禽栖屋角松
霧籟爽然神骨冷
喚醒仙夢五更鍾

白菊微有紅色者
世之好事者謂之醉楊妃
故

戲書一絕

粉面微生茜暈紅
楊妃初醉倚東風
莫將顏色輕相比
獨秀冰霜便不同

題富安民居屋壁

蕭疎殘菊小窓邊
衰露金葩絕可憐
萬卉總隨春氣暖
霜風何獨弄嬋娟

一朶孤芳象草中清香猶自細隨風貞心不被嚴霜
改憔悴醒吟澤畔翁

戲題

時聞礪俸被論

塵世功名一夢中倘來還去絮隨風傍人且莫論榮
悴自視浮雲過太空

奉次思菴相公韻題澹俊詩軸

佳糧古竇掩松扉並沒苔深石運微閉眼觀心長入
定只遵清淨戒無違

丁浩然祈寄梅花一枝喜贈一絕

溪頭立馬日西時忽送江南第一枝不語從知高士

意故教催却老夫詩

維摩寺下紙幕村邊與李士靜士武放鷹酌酒
將別回贈一絕

一帶烟霞萬壑深數家鷄犬碧溪潯呼鷹莫酒山將
晚歸路霏霏雲滿林

奉贈張上舍叔鸞

乳燕聲中春已歸日長庭院落花飛門前裊裊揚枝
嫩酒熟壚頭可典衣

贈宋文約

青燈半壁夜三更尊酒相逢十載情別後思君應長

望月明歸夢繞江城

臨別贈佳人

竹葉清香金叵羅佳人高唱渭城歌青衫莫慘纖纖手征馬忽忽奈爾何

贈宋國微宗獻

小雨霏霏濕不晴杏花含笑正輕盈東風多事吹盃灑啼鳥重添惜別情

全公應寅好彈伽椰琴倩妙手無畫霜竹請余題詩因贈一絕

伽椰琴韻玉琅然金鴈聯飛十二絃荷服仙人彈別

鶴風驚湘竹月流天

全州南亭贈邊季珎安雲卿

千疊銀山一帶溪片雲喬木斷橋西歸鴉莫引殘霞去留待詞人醉墨題

送鄭太守復始

閑樹蒼蒼雪滿程一尊遙餞送君行雲山信是無情物謾隔愁人望眼橫

奉送金募官種得地

東閣官梅欲落時那知今日送君歸迢迢長路風烟外不耐臨歧折柳枝

奉別羅州牧使金公誠一

椽燭高花半欲摧
中宵離恨共傾盃
後今湖嶺分千里
遠信須傳驛使梅

江西寺別洛浦仙

飄然輕曳白霓裳
羅襪生塵步步香
解佩西風忽飛去
碧天無際海茫茫

途中偶吟

匹馬行穿翠密岡
鶴邊清露滴歸裝
炊烟起處漁家近
知是江村擘鱗黃

暮春偶吟

高軒晴日燕呢喃
岸犢長吟酒半酣
風伯不知春易老
更吹花雨落毵毵

偶吟

南國佳人淡掃粧
天寒日暮倚脩篁
千金不肯輕回笑
坐失嬋娟鬢已霜

萬湖途中偶吟

孤翠尖峯擢玉簪
潺湲溪水作鳴琴
蕭蕭霜葉迷行迳
何處昏鍾送遠音

偶吟

莊生猶未脫童觀
鵬鷁何殊辨兩般
螻蟻王侯無大

小悠悠皆是夢邯鄲

水碧山青一小村仙娥愁黛立黃昏相逢渾似陽臺
夢回首寒雲改斷魂

漫浪吟

張大秋毫小泰山雄豪奇辨駭人寰細思不是恢諧
說萬物齊來搃一瓣

戲吟

一條官路直如絃揚柳依依拂翠烟斜依碧窓人似
玉為誰凝怨落花前

咏梅

半出疎籬一樹梅風飄殘藥點蒼苔吾衰未索巡簪
笑芳信無端病裏催

咏金錢花

綽約仙姝出翠幃茜紅微染越羅衣佳期迢遞舍殘
淚瘦盡纖腰玉一圍

詠橘

千頭要利鄙龍陽頌德長思楚國香蒼海南涯秋正
晚新霜籬落淪林黃

詠蜂

尋却千芳與萬花從知天賦性繁華喜遊晴日無窮

好莫近黃昏燭影斜

飛蜂從古酷憐花自是天機不是奢既有風流兼有
智羨渠成蜜識公衙

詠帶雪蒼松

盤屈枝柯不受寒蒼鬚粘雪儘奇觀遙瞻凜凜神猶
竦可笑秦皇謾贈官

詠成均館雪栢

魁屹輪囷百尺身虬枝雲葉幾經春霜沾雪打鬚眉
白彷彿餐氈北海人

詠和順東軒梅竹

霜侵脩竹不能摧翠葉蕭蕭暎酒盃助發風神知有
伴屋簷清瘦立寒海

風流嶺吟得一絕

細路盤紆轉石稜山花紅暎碧層層良辰勝地真堪
賞其奈嚴程住未能

舉義兵日賦一絕

非石貞心不可轉八風吹動豈曾知勤王一紙能揮
得悲涕雙垂舉義旗

已卯三月三日余以博士代讀課試試卷罷後
過梨峴見倉春苑落花亂飛因賦二絕

江城佳節值重三衙罷歸來酒半酣多事好風吹禁
苑馬頭花雨落氍毹

輕風遲日正春三街柳宮花雨意酣滿地韶華驚客
眼歸心飛渡錦江南

拜 孝陵有感

山木蒼蒼日欲西古陵春草綠萋萋幽禽亦恨仙遊
遠却向東風盡意啼

卸鞍憇於南原番巖吟得一絕

山光如黛水如藍老樹蒼蒼鎖翠嵐一陣東風微雨
歇杜鵑花發暎千巖

丙子冬以都會試官往靈光佛甲寺聞鐘

山回水繞幾重重信馬行穿翠靄濃郵卒不須疑去
路隔林風送數聲鐘

祭於 宣陵漢江舟上口占二絕

兩岸和風烟柳斜春波淡淡漾青羅孤舟日暮廣陵
渡芳草王孫歸思多

斜陽古渡放輕舟蘆葦萋萋滿洲安得垂綸江上
石忘機終日伴沙鷗

馬上口呼

海天空濶杳茫茫一片孤帆帶夕陽半醉閑吟驢背

上風烟收拾付奚囊

在京師憶家山春興

斗升山北小溪邊
躑躅千層照海天
遙憶昔年春欲
暮
幾回泥醉倚叢眠

萬日寺雪中與南敬甫唱酬

曠雪愁雲萬里陰
獨尋蕭寺翠微深
看君下筆如翻
水
何羨區區擊鉢吟
凍雲迢遞結層陰
雪擁歸程一尺深
驢背尋詩肩政
聳
玉峰多事入孤吟

崔蔚山慶長酒酣呼韻目為走筆

和風吹八曲欄頭
烟柳依依拂畫樓
漱灑銀盃須滿
酌
此生猶賴酒消愁

觀碁

手談終日不相談
坐隱誰知似隱庵
尺許紋枰分楚
越
紛紛蠻觸戰方酣

孝陵聞杜鵑

半輪殘月掛林西
山杏花邊謝豹啼
崖竹欲摧聲轉
苦
夢回涼夜自淒淒

蘇來寺夜雨聞鹿鳴

金風吹葉響颼颼
宿客無眠倚小樓
最是此間奇勝

事枕邊山雨鹿呦呦

聞 大駕幸平壤

三千里外一孤臣
悵望關西淚洒巾
驛路多虞豺虎
亂何人能卷屬車塵

過梨峴聞舍春苑鶯啼有感

楊花如雪洒天街
雨後晴光上綠槐
忽送去年林下
語故園歸思繞南涯

長城客館聞子規

半輪殘月掛西林
倦客憑欄改苦吟
何事蜀禽千載
恨空山啼血送哀音

次濟南亭韻

朱欄橫壓碧溪深
綠樹風來爽氣侵
極目蒼茫平野
遠片雲歸鳥入孤吟

奉次天將王指揮大顯韻

燕薊三韓道路長
關河烟霧杳蒼蒼
書生只祝皇威
震將士歌回鴨綠陽

煌煌斧鉞下天庭
遠救東方億萬生
我願將軍布八
陣達牙雷鼓破倭營

次天兵退休韻

天皇赤怒東夷叛
旌旆飛揚萬里來
若掃黃塵清海

角莫姿應得盡雲臺

關西僧戒明詩軸次尹左相韻

勞力床頭且葉文新茶接醅奏奇勳時曉香辨空壇
像鑿泛浮塵並白雲

瘦骨方腫烏指爪不日榮悴首曾搔飄然心在烟霞
外却笑浮生困五勞

次高而順三色桃花兼畫鸚鵡韻

白質彤紋爍不同東皇裁綻用何風枝邊有鳥能傳
語霧艷暎暉互射紅

一樹開花胡不同三輝交映動春風梢頭慧質能言

語為報晨霞帶日紅

南原龍潭亭次子順韻

千尺巖邊敞畫欄天風吹水玉聲寒紫霞仙馭如相
遇方丈浮青入醉翁

次安習之韻

霜侵羅幕洞房深纖手仙娥弄玉琴解佩西飛消息
斷夢驚梧葉動寒音

次權應寅韻贈輝上人

壇飄花雨地鋪金聞有高禪為遠尋說罷恒沙無盡
界回看江月半西林

朱林亭次辛白麓韻

西風吹起半簷寒人在朱欄竹影間一曲瑤琴彈別
鶴瞻光凌亂水漫漫

次青溪韻

烏紗巾岸對寒溪風露更深月欲低長笛一聲吹石
裂水禽驚起去來啼

波平溪面磨寒鏡烟惹林腰曳白紳獨倚危欄神骨
冷却疑身是馭風人

次盧公妾客中聞鴈韻

客愛初回篋子宵斷鴻鳴向楚天遙無端喚起御閑

思催却霜華上鬢鏡

次辛白麓韻

蕭蕭征馬驛程秋一曲離歌勸小留玉尊莫辭斟更
進夕陽維思渺難收

次淳源詩軸韻

風卷歸雲海雨晴天玉峯集半空青迳師細註山青
事靜對鈴齋盡日聽

次青溪韻題水林亭

檻外青羅一帶溪溪邊山色翠眉修杜鵑亦解思歸
意故向林間半夜啼

次尹季初韻

兩鬢霜毛種種生
近年空羨眼黃睛
秋風一夜還家
夢驚鶻雁庭梧葉戰聲

奉次海運判官韻

東風匹馬向江東
千里吟鞭拂翠嵐
空裡頻驚鷺
過烟花芳草值重三

內藏山遊賞楓葉次尹敬差官覃休伯亨韻

行行山路轉無窮
一夜新霜萬木紅
蕭寺客窓驚鷺
起數聲胡鴈帶西風

上巳日與客看花山下權子由示南司評故前

詩醉次其韻

松陰如蓋草如茵
浩蕩東風上巳天
折得巖花簪醉
帽對君浮白碧峰前

次景涵韻

衰遲無復曩心期
只愛名山水石奇
風月亦能知我
意短筇行處每相隨

飲洞庭春次李謫仙韻

甕間春色洞庭香
白玉壺傾琥珀光
聽鳥看花終日
飲此身全以醉為鄉

禹陳巖

餐霞服玉兩仙人巖竇藏踪絕世塵教局圍來柯已
爛碧桃花落幾千春
千丈危巖聳翠巒人傳仙跡有棋盤何方一服青囊
藥雲袂相携卧石壇

偶吟

幽蘭孤秀亂榛荒谷邃誰知有暗香謾自容長寧免
笑殘英凋悴不禁霜

金山寺僧沁輝詩軸次鄭湖陰韻

揚枝輕拂翠烟中花雨飛空萬點紅忽有山僧敲竹
戶睡魔驚散敗竒功

馬耳山

雙立亭亭聳大虛鏤鄒新淬發硎初透膽峭拔超羣
岫直似夷齊叩馬餘
批竹青尖馬耳山雲霄雙聳碧琅玕安能借取飛仙
術直上峯頭縱目還

錦江道中

澄瀾一道碧於苔上有青山花政開倒蘸玉波相照
耀江名為錦豈虛哉

茶於靖陵日余以典祀官泛舟於漢江向陵
長江春水綠如油和暖東風穩送舟挾岸青青楊柳

樹萬枝輕拂動離愁

寄曹察訪允祉時在咸興

關樹湖雲兩杳然三年一見鴈書傳
干戈萬死餘生在旅食京塵雪滿頭

過蘆嶺

長路橫穿石劔青馬前雲靄杳
冥冥黃花赤葉層層見十里蒼崖展畫屏

贈盧公考

故人乘雲自西來東閔相逢一笑開
十載交情誰會得簷前微笑有寒梅

寒風樓

山濃螺黛水按藍碧瓦朱欄鎖翠嵐
想得月明簷下席羽仙應亦駐飛驂

謾成

瀨於為學拙謀生迹混愚氓作耦耕
苗盡荒蕪豆稊種今年粥減去年烹
離奇擁腫道邊樗保得根枝百歲餘
材散由來無用處風烟閑帶老丘墟

龍潭邪之峴

詰曲山腰百八盤棧頭霜滑馬行難
方知世路多如

此爭似高眠一枕安

柳枝詞

去年街柳颺金絲
白馬郎君折贈枝
今歲嫩條依舊綠
遠遊何處未言歸

湛晶師佩酒來

無等山僧佩酒來
烏城太守共傾盃
三更月上梅花樹
天醉何嫌卧綠苔

望靈巖鄉校舊基

昔陪先子杏壇邊
屈指如今四十年
廟貌已遷人事變
舊遊回首淚潸然

過吉再先生故居

十年人去跡猶存
山擁園亭水繞村
凜凜英風如不死
至今能使薄夫敦

戀終南山

華山木覓擁神都
佳氣彤雲正鬱紆
南去難期重到此
臨行回首一長吁

秣馬川原驛

江天漠漠鴈呼霜
驛路黃花弄晚香
歸興正催茅屋近
况逢佳節是重陽

富安道中

小雨霏微濕馬鞭吟邊芳草綠羊綿回頭遙望楞伽
色藍翠千峰聳海天

茂宋道中

輕衫快馬踏春山長路遙穿翠靄間識得東君真面
目巖花紅紫鳥關關

懸雲崖道中

花滿青山草滿蹊輕風吹柳綠絲齊韶光如許身為
客感彼提壺向我啼

悲李火源

火源丁亥二月二十一日以鹿島為
先建諸鎮船畏賊九皆退走火源力
戰敗死余哀其忠節因為賦詩以吊

一舸橫衝怒寇羣矢窮援絕首身分英靈應不消磨
盡直作長虹貫海雲

奉慰金唾耳聾

人間先去一根塵從此都忘喜與嗔心地泰然機事
絕熙熙還似太初民

次濟南亭韻

數疊青山活畫奇半邊飛雨落寒湄殘霞孤鷺添詩
興薄暮炊烟生遠思

嗽階下小井

階下清冷玉井寒天光山影漾微瀾嗽來習習風生

齒斗覺塵埃去肺肝

瀛洲十八仙

日轉韶光上玉欄東風吹細泛崇蘭幽人獨自憐芳

艷手柔枝露未乾

右春蘭香

花暖風輕柳色新金爐香動醉和春鴛衾睡罷悶愁

重徙倚朱欄第一人

右玉樓春

烟浦嬋娟一美人凌波微步襪生塵慙慙欲寄相思

意仙佩飄飄不可親

右凌波仙

羽衣霞蓋杳茫茫玄圃滄洲道路長萬里歸來風馭

鶴玉蕭聲裡舞霓裳

右御風來

三清仙子異塵凡騎鶴冲天謝纒銜玉笛緱山明月

夜碧挑花落拂雲衫

右駕鶴來

秋風玉井水清漣十丈蓮花藕似船摘實何須裁七

澤一嘗要使壽齊天

右玉井蓮

無邊滄海濶茫茫嫋嫋秋風露氣涼青鳥不來消息

斷蘆花如雪惱愁腸

右碧海秋

清都仙界有瑤臺三五嬋娟海月來雲散洞天涼夜

永翠娥吹笛自徘徊

右瑤臺月

柳仙為婿洞庭君綠髮朱顏女出羣宴罷水精春殿

暮蟻鬚簾捲鎖重雲

右龍臺雲

金鰲頭戴是瀛洲綽約羣仙會玉樓羽蓋乘風飛渡
海翠眉微蹙遠山愁

右瀛海仙

青年竊藥上蟾宮丹桂天香兔影中誤讀黃庭來下

右折桂仙

界障羞羅扇倚東風

右愛蓮香

長夏閑憑水檻涼紅雲一點照方塘靜看翠蓋銀珠

右銀臺春

碎風起遙看陣陣香

右陽臺雲

洞府春晴宿霧開三花初發好風催瑤姬眠罷嬌無

力蟬鬢髮髻倚小臺

名區三峽楚陽臺夢感君王玉佩哀仙跡杳茫無所

托芳盟朗化雨雲來

臨邛秀色卓文君眉戴遙山八字分一點露犀琴裡

透傍爐蹤跡作行雲

孤蘭一朵擢襟荒傾國容華壓海棠閑倚曲欄春晝

永酷憐風透半簾香

柳拂長堤綠似烟花殘宮樹雪飄遙流鶯啼送新年

語喚起幽人午枕眠

百草俱腓一夜霜東籬惟有菊花黃紛紛世路尋春

子誰識西風晚節香

張上舍淑鸞挽歌

筆端風雨挾龍蛇咳唾明珠照月華妙斷未能逢郢

峯

張上舍淑鸞挽歌

質霜斤空自委泥沙

挽扶安訓導

海曲空齋數載春
冷官辜負百年身
却將天地無窮恨
分付東風碧草新

五言四韻

登木悔嶺馬上口號

峭壁連空翠
巖楓葉半紅
烟光村樹晚
秋氣嶺雲中
行止寧由我
升沈信化工
一生知計拙
歸伴釣漁翁

題蘇來寺

客到河邊寺
蕭蕭落木時
霜深山果熟
烟重石苔滋

燈壁僧談幻
風林虎嘯奇
一庭松月白
涼籟爽塵脾

題雲住寺

古木雲邊合
微行石角回
燈青千佛影
烟濕小庭苔
岫色磨簪玉
溪聲吼地雷
憑欄無限趣
佳月上松來

題雲住南臺

一陔崔巍上
天然石作臺
川光蒼錦碧
杉韻野絃哀
興發詩千首
愁消酒百罍
任教空翠濕
終夕不知回

醉中戲題吳玠京獻楓巖亭

老樹千章合
層巖百尺欹
沙翻川雪白
雲獻玉岑危
小雨催詩興
斜陽映酒危
莫譏微宦薄
猶得免殆機

醉贈金希禎應鰲

一笑相逢地槐陰千景涼鶯傳新語滑燕報舊情忙
樽酒嫌多病詩才愧不良蕪菁花上蝶催興莫顛狂

贈天佑上人

留鉢碧雲岑休糧古竇陰壁錦隣瘦影山鬼服高心
耳爽風杉韻神清雪磬音眼塵都已寂江月照靈襟

奉贈鹽鐵官安君宗

益鐵軍資重由來任最難共興煮海利唐選採山官
國患倉儲渴民憂鮮食艱知君有才畧應得救飢寒
奉送申亭老赴任安陰縣

為親頰谷縣南邑近鄉間照筋供烟巖飛刀鱸雪魚
溪聲喧枕席山影落琴書訟息光風閣閑吟午睡餘

送明遠年兄歸關東之歙谷

小屋臨瀛海孤雲天盡頭鯨翻紅日上鰲戴碧岑浮
樵徑驅黃犢烟灣伴白鷗青衫行欲脫同泛四仙舟

萬福寺別蘇宜鄉

近郭荒涼寺迎門一老僧五層金佛殿千載石蓮燈
白酒忘懷久青山識面曾臨分意無盡回首暮烟凝

和順縣詠梅

老樹形孤古簫竦半出籬枝擢經雪壓花瘦被風欺

芳意燕蜂到高標信月知寧隨桃李艷飄落任羌吹
閑居謾興

迂拙嫌塵鬧移家更卜居簷虛山影重門掩柳條疎
婢薦傾筐蕨兒呈小網魚尋巢前歲燕來語千眠餘
聞 大駕幸平壤

長鯨掀赤縣萬姓葉紛飛諸將兵無血孤臣淚濕衣
書稀戀 車駕火烈痛宮闈安得回天步雷霆一振威

次李後運鷄韻

旅枕曼曼夜無眠難及晨方嗟催曉晚忽喜報更真
只取三聲喚休論五德仁幾年幽榻畔驚起讀書人

次盧宗之韻

才類林鳩拙巢居不自謀周流同斷梗飄蕩似虛舟
驢老思千里文裘讓一頭唯餘歸釣意南望路悠悠

次白樂天春深好韻

何處春深好春深山下家烟迷郊外柳風送檻前花
地有王孫草門無長者車瓊盃須痛飲直到日西斜

次白樂天難忘酒韻

何處難忘酒山村天氣新松聲知語鳥花雨洒幽人
離病乘閑日辭官自在身此時無一盞何以慰餘春

禪僧詩軸又和鵝溪韻

青堂高亭晚風烟繞廣陵天晴鴻影遠江閣鏡光澄
酒力愁添大詩才病減能岸巾彈古琴相對水雲僧

次李嘉平培達江亭韻二首

十載聞名久相逢我馬間青在暮齒髮皂蓋好容顏
契托沙邊鷺盟尋物外山傳盃論素袍斜日坐忘還
八九椽茅舍蕭然水石間君嗟新白髮我失舊朱顏
敗興無塵客開襟有好山清談忘日暮極鳥與同還
丙子夏以公都會試官在全州次李叅奉仲祐
海曲茅簷在山光翠映門林暄禽哺子籬雨竹生孫
岳釣侵曛黑聽琴到夜分年來愛閑適歸思攪詩魂

次柳希仁書堂韻

秘迹忘機事何曾浪問津沙暄鷗伴愛雨細笠隨身
已謝雉膏羨寧爇蓼味辛雲窓高枕地應笑渡頭人

次金公緒韻

舟極妖星孛千官久廢衙翠華闕樹外白髮海山涯
腸斷音書絕魂驚戰伐多望雲雲北去佇立波橫斜
次朴堅千家韻

卜得幽竒處後知不世心烟霞閑趣遠泉石宿盟深
烏和林邊詠花飄石上琴北山如未勒仙界可重尋
平橋途中

海澗天無際，霜清鴈叫風。緇黃雲布野，烟白練橫空。
身世悲歡裏，光陰醉醒中。悠悠成底事，雙鬢頹秋蓬。

與南敬甫宿金新溪書堂

虛簷臨遠壑，幽迳出松篁。雪白山明麗，風鳴樹老蒼。
人逢千里面，酒對一尊香。話久星河轉，窓含梅月光。

達梁古城城堞殘，駿追感乙卯。倭寇憑凌全軍覆，後回詠一律以寓悲慘之意。

荒圯餘殘堞，傷心古達梁。將軍先鼠竄，賊勢更鴟張。
數郡良家子，同時血染鎗。至今風雨夜，冤哭橘州傍。

冬日題滌心亭

小亭臨斷麓，野色暎簷端。帶雪山文麗，含冰水氣寒。
風林聲欲歇，霜竹葉初乾。烹酒斜陽裡，深盃洗肺肝。

次曹淑思樂亭韻

日暖高亭午，烏巾半岸人。風輕鳥語軟，雨歇柳絲新。
月下琴難擯，花邊酒可親。晴沙江畔石，來往自無巡。
簾箔釣初上，楊花亂點人。水紋清筆薄，冰枕冷淘新。
園果長供客，盤羞每悅親。傳盃期爛醉，寧復數籌巡。

次抱月亭

亭在海州江南主人李守誠題
勳請賦取疾采谷韻以贈之

朱欄橫石角，華彩落寒澗。島迥潮回晚，天長鳥去遲。
一聲孤舫笛，千尺斷磯絲。頌得無邊趣，閑傾灑海卮。

趙王立輓歌

卞角超倫輩初逢若老成雍容隣黨義和睦弟兄情
擬約我同社那知隔此生一尊江上酒揮淚送君行
英英妙少年鄉曲共稱賢長路方希騁浮生遽已捐
中郎家孰保伯道業無傳同契翻成夢千行淚迸泉
輓咸抗守姜孟業

有美名家士芥宮識面初三冬藜莧味十載典墳書
雲路鵬將舉風花槿已除他時隣笛怨不堪過公閭
輓金新溪

選冷迨八十陳粟積成堆風樹思親淚懸魚製錦才

三珠悲已結二豎夢重催哭盡山雲暗松聲怨夜臺
漸然出頭角早日擅芳譽力盡青燈讀名乖紅紙書
治馴棠下雉孝感雪中魚厚德孚隣保相眷聲息聞
輓陸太守大春

累館專城綬榮名三十春輸忠知有國推恕自忘身
世慮千尊酒生涯四壁塵德隆官不滿吾欲問蒼旻
輓卓君豫

蕭散清懷抱無機恣是真平橋蘆菽暮碧峴巖薇春
我醉狂歌鼓君權慢舞頰烟沉蒿里樹遙望淚沾巾
輓羅進士士惺

名著南州士先從戰藝場雄圖擬鯤化長策竟龜藏
二豎翻成夢三年艾未良在空無玉樹遺業轉荒涼

輓歌

淚盡天南士情摧燕子樓人間成一夢松下幾千秋
寒月侵香枕悲風動錦綉王琴清瑟在無限水東流

七言四韻

題近安樓

虛檻蕭蕭小雨天登臨飄若馭風仙江拖脩白羅橫
帶山獻遙青髻露烟遺興祇憑盃面蟻謀生寧揆橐
中錢夢歸舊隱蘆花岸垂釣荒磯落照遑

題新倉院樓

蒼茫平野聳危樓檻外長江萬古流烟際露青千點
岫波心浮白數羣鷗半山殘月催詩興一陣清風洗
客愁漫有元龍湖海志不禁牽髮鬢邊秋

題柳希仁伴鷗書堂

臺前滄海碧涵虛西樓登萊萬里餘白日浮沉羣蟹
宅青岑隱見六鼇居軒遙帆影風酣後月下漁歌夢
醒初自笑吾生勞物役斷崖那得結茅廬

題勝殿庵

小庵遙在翠雲頭杖策登臨雨後秋天澗帆和孤鳥

去地平烟帶遠林浮鳳仙花弄風前態鷓鴣逐人飲物
外遊滌落後來皆有數此身方擬一虛舟

題遠山

萬木叅天擁道周盤回丘壑轉清幽雲收山色呈新
畫雨送溪聲聽戛球露滴臯禽飛翩翩日外林鹿叫
呦呦寬閑知是非人世擬喚群仙作勝遊

蘇來寺題熙長老壁上

亂峯深處有禪庵松檜森森鎖翠嵐霜侵林密成紫
錦雨粧山色染青藍愁端動引心懷苦詩律翻催酒
興酣却愧高僧無物役奔忙應笑擇酸甘

題扶安公館

午眠初罷倚危欄啼鳥乘暄語未闌城拂金絲垂柳
嫩簷飄香雪落梅殘一春烟景孤吟裡萬事霜華兩
鬢端物外優遊真得計不須奔走旅悲懽

題漢江江亭

獨憑虛檻罷開眠衣袖霏微濕冷烟羅帶江光晴漾
石玉簪山色翠浮天沙禽來去斜風裡漁艇沁酒落
照遶景物蒼茫供客眼數聲村笛異悠然

題長洲白沙亭

毗盧峯上踞胡床一嘯臨風望大洋萬里紅波金柱

迫獲飛白鳥碧天長人行積雪堆沙岸馬踏殘花落
海崇胸次崢嶸澆不得朗吟傾倒酒千觴

春日遊山用放翁韻

今年春色似前年浮世胡為作逝川石上題詩神助
句花邊酌酒醉呼眠襟懷淡淡無塵鏡蹤跡悠悠不
繫船管得山林閑日月任他人喚老儒仙

遊金洪書齋

曲逕行穿小洞深數椽書舍萬松陰蒼峰當戶嵐光
重玉井連池爽氣侵一夜寒霜林脫葉千莖華髮客
驚心青衿薄宦無人問只有秋虫和苦吟

遊松京滿月臺

鵠嶺蒼蒼擁舊都周遭雉堞見雄圖龍樓有址苔封
礎鳳輦無蹤草滿衢朝市變為山雨散管絃留作野
禽呼悠悠往事憑誰問金井西風墮碧梧

遊靜修書齋後約霧谷

扶杖閑遊豹霧原行穿松逕踏雲根烟消蜂意放乘
霽風軟禽懷好咲暄血染花枝愁帝子綠添芳草恨
王孫佳期杳杳思千里獨對韶光暗斷魂

丙申九月九日携家屬上碧川山上遊賞吟得
一律以示子姪

碧川山上作重陽嫋嫋西風鴈叫霜赤葉黃花供逸興
與高歌慢舞任清狂干戈五載民亡盡子姪一家吾
得將天幸已多何不樂莫傳雷鼓酌深觴

與詩山守安習之向金山寺路中作

性癖山林不可醫為携騷客討幽奇虎溪殘雪能消
酒鼎峴晴雲巧入詩自信乾坤容散誕寧嫌風月笑
衰遲吾生正似江梅淡却喜尋春蝶未知

蘇來寺見辛白麓效鄭知常體同用效其體以

贈德熙長老

林間古刹倚葛根漫字殘碑客到捫散花瑞久蘿蔓

塔鬣草僧閑葉擁門道通雪山看
不曠意淨塵界念無猿何時共步虎溪上浩然一笑辭秋喧

黔浦道上

漫漫長路繞江干江上新霜著面寒峰入雲天森鐵
戟海環島嶼散銀盤殘霞落日啣帆影歸鳥還雲傍
馬鞍安得龍眠神妙手細摹留與短孺觀

雲住路中偶吟

新葉初肥麥吐芒連雲芳草綠茫茫一條溪白橫羅
帶千仞峰青削鋸鎚好鳥吟風添逸興香醪醺面助
詩狂行行不覺天將暮回首林間已夕陽

與恭仁倅柳公延酌酒閑話於蓮堤上

長堤絃直柳陰陰堤下清波丈許深十畝紅雲鋪鏡
面半山飛雨落盃心千村向晚烟初起一葉迎秋籟
自吟八夜重添無限趣月輝荷影爽塵襟

過荒山有感

十萬倭兵據八良沙斤白骨滿城隍龍蛇陣合荒崗
上狐鼠心摧引月傍赫震驚霆驅魍魎疾馳長轂驟
蟾蜍神功永與山俱在海角民安化日光

登斗升山頭古城

崩頽古堞斗升上吞納諸峰十里橫山水豈知經百

戰野禽空自作千聲興亡有數餘基跡文字無人記
姓名客到不須悲往事耕耘聊復樂昇平

同恭仁倅柳公延登縣前小山

青山一點翠眉浮皂蓋來遊值晚秋稻作黃雲平布
野水成羅帶細環洲金樽稱意供清趣霜菊寧羞上
白頭浪跡偶添陪勝賞落霞孤鶩興難收

登月井臺

直上峰頭月井臺風吹輕靄四邊開長天杳漠孤雲
迥大海蒼茫小艇回蜃島君山青數點澗松巖檜翠
千堆紅輪倒蘸尤奇恠暢盡生平吐浪懷

登萬日樓觀花有感

樓頭晴日小風來
樓外山花滿眼開
坐上佳賓傾一
卮尊中美酒吸千
盃韶華稱意於顏
面詞客驚時感
抱懷安得飄然陶
謝手風烟收拾錦
囊回

余以烽遊軍推鞠
差使負三朔之內
三登海南
中塞時回視江山
有感而賦之

長風吹到拂征襟
嶺上雲含雨半陰
白雪漲江潮正
上金盃垂島日將
沉功名有累分榮
悴歲月無情作
古今却笑吾行成
底事祇催霜髮滿
華簪

上東學堂後峰

扶藜日暮步山巔
平野茫茫接海天
一壑風霜凋木
葉萬家籬落起炊
烟歸禽斂翼疎林
外遊子聯襟古
堞邊吟嘯回來江
月白十年煩惱正
蕭然

題金山寺

金山古刹舊聞名
傑閣三層眼忽明
塵佛尚含甄氏
憤風鍾空帶濟朝
聲斷碑零落苔專
蝕破砌荒涼草
半生倦客憑欄吟
未乾蒲山黃葉自
悲鳴

題三清洞契會圖

三清仙洞彩霞深
羅帶溪邊擢玉簪
駿馬雕鞍芳草
裡輕衫烏帽翠松
陰日斜帷鼓過頻
疊典入詩懷酒

蒲葑勝事易隨塵迹散繪綃聊托斷金心

題吸香亭

詩山南畔大池周兩岸人家碧樹秋紅嫩萬莖花錦
艷翠圓千疊葉錢浮吟邊遠岫舍殘雨郊外斜陽暎
半樓醉裡不知歸路晚深盃頻勸寫離愁

題成均館契軸

禁園東角泮宮西千尺長松一帶溪盃灑綠蛆佳客
醉查飄香雪野禽啼催詩飛雨隨風洒率與垂柳拂
面低樂事無常人易散故教圖畫姓名題

題順天公館

鼎平形勝冠南州螺黛尖峰碧玉流翠竹凌霜圍古
堞寒梅含雪映朱樓烟拖練恍粧林態灘送琴聲繞
客愁最好喚仙明月夜洞簫吹徹海雲頭

下第後書旅懷

東風吹面夢初驚舉眼韶華滿洛城禁苑天桃含宿
雨天街高柳弄新晴愁將歡去渾無緒老逐春來似
有情遣興固知靡過酒倚欄空復嘆瓶傾

次青溪韻題水林亭

新構華棟小洞天登臨飄若挾飛仙山舍藍色浮蒼
外石碎川聲送檻邊靜愛鳴來沙渚宿喧嫌花泛世

間傳漁樵混跡酣真趣却笑佯狂晉七賢

代小姬次碧城守金鎮韻

含愁殘黛別離時畫閣東頭午漏遲有信蒼梅須索
笑無情街柳莫攀枝孤形長伴青燈影一夢遙飛碧
骨池脉脉相思誰會得只憑明月兩心知

與安習之飲斷橋下走筆贈之

佩壺乘興坐沙頭席下長川衮衮流一望青天蘆葉
晚半邊殘照鴈聲秋身如岸草無鞦韆馬迹似江波不
繫舟任却深盃頻勸醉狀然消遣古今愁

敬天驛邊海棠爛開馬上詠一律贈金汝器

十里平郊細雨過海棠開盡滿晴沙
水籠輕靄羅裳薄微帶餘滋玉筋斜
解佩有情臨浦岸含愁不語傍
壚阿長程行邁無休暇馬上相逢奈爾何

夜宿蕭寺贈公產年兄

小雪寒風山路迷遠尋孤寺日將西
飢烏杳杳啼高樹黃葉蕭蕭襯馬蹄
半壁殘燈開几席一樽香醕灑
玻璃留連數夜真佳會臨別依依不禁悽

宿靈源寺贈李士武

縈回線路遠穿雲松檜蒼蒼鎖洞門
溪繞疎林羅作帶山含殘雪錦成文
苔侵古塔千年寺僧映青燈一

炷熏客到蕭然無夢寐不知人世有塵紛

金溝公館遇雪贈安雲卿

萬里頑雲凍不開北風吹落豈猶灰平鋪野田銀為
界粧點丘山玉作臺烟絕袁安弓卧苦履穿東郭印
蹤衰息光叨被真多幸蠟炬江城倒百杯

送朴光王景瓊赴燕京二首

朝天征馬向西催路繞醫閭碧一堆開雨生涼燕樹
晚胡笳聲恐薊城隈瑤階寶炬明如畫金闕洪鍾殷
似雷盃灑紫霞三祝罷仰瞻祥靄鎖蓬萊
四海梯航會玉京省郎掄貳使星行欽風孤竹千年

廟刮眼雄關萬里城聘漢豈徒師歡鞞觀周惟要審
咸發從知誦得詩三百專對天庭播令名

送許判官子賀赴北青

長路銀鞍白鼻騮腰橫飛電劍青蛇殘民蒙化歌三
異強虜聞風畏六花玉帳將驚神略秘靈椿陰映彩
衣華政成皂蓋歸來日陌上豐碑字似鴉

送鄭太守復始

政先仁厚感人深撫字寧勞課最心墟落月明眠吠
犬公堂畫水弄鳴琴犢並清化留還土鶴與高標逐
故林雲遠天門誰借冠短編聊復寄悲吟

送鄭年兄以周赴燕京

遠聞負外赴神京別裡重添惜別情
華表柱高燕月冷醫閭山迥代雲平
城橫萬里尋秦跡壽祝三呼拜
聖明季子今觀周禮樂東還他日作邦禎

送李彥潤赴咸鏡書記

駿馬驕嘶金絡頭繡紋長帶佩吳鉤
雪殘孤館胡笳惡風急荒城漢月愁
獵罷陰山雄鼓角揚兵黑水擁
戈矛青油幕下無餘事談笑樽前好運籌

送金公緒赴任海美

長組腰懸竹使符迢迢征馬海西隅
威風要束淮陽

吏清操應還合浦珠梅下詩情添月勝
樽前鶴影伴琴孤臨分更贈秦人策
細柳防侵輟鮒徒

奉別金敬差官還京

承恩北極按南州霜氣稜稜草木秋
斧影動搖江月白繡輝凌亂野烟浮
同舟錦水三年別共枕詩山一夜留
歸去高翔天九萬夢魂應繞海雲頭

留別

料峭東風二月時蕭蕭微雨潤梅枝
千絲拂地揚含態數點垂簷杏露腮
忙裡消愁猶賴酒客中遣興祇憑詩
臨分不忍催征馬握手還為後會期

丙申秋奉別呂先生裕吉赴任公州

公山南國最雄州
治劇方擒第一流
庭露槐根齊繫
馬橐蒙即首下爭牛
天兵有喜知厨羨
野老無愁見
政優他日朱轡回
洛處想應遮路錦江頭

春日村居謾興

霏微細雨過孤村
一夜韶華滿小軒
絳雪翻空山杏
塢紅霞蒸洞野
拖藩乘晴好鳥飛
相語得意遊蜂戲
自喧要路閑門俱爛熳
同仁方信有乾坤

萬頃聚遠亭次盧士雅韻

朱欄高壓海雲端
薄暮登臨得暫安
鳥外浮烟島嶼

遠近前舍露紫薇
殘樓頭倦客吟
方苦葉際鳴蟬響
欲乾萬竹齊簷森
翠節輕風鼓作玉聲寒

次快心亭韻

州城南畔斷巖隈
一帶寒波鏡面開
岸際明沙銀作
界檻前青嶂玉成堆
登樓倦客吟還嘯
意緒閑鷓去
又回滿眼風光誰解道
倚欄終日愧非才

次青溪韻

詩壇誰託五言成
今見珠璣筆下生
數點遙岑吟外
碧千層
霜葉眼中明清歌
細穿雲端去
錦纜徐牽鏡
面行鷓鷯亦知遊子興
近人來往恣飛鳴

次士晦珍島公館韻

孤城珍島水為基，耕鑿愚氓荷聖治。島外峯高森畫戟，檻前瀛海作天池。望迎初月當窓韻，摘帶新霜傍砌幽。驛騎嚴程巡按處，鴈飛南度菊殘時。

次梁學官大樸韻

生平蹤跡最涼涼，政惱懷人遠夢長。萬事不堪飛絮亂，百年無奈疾風狂。莫誇身後詩千首，但做尊前話一場。明日分携山水隔，佳兒須更勸深觴。

羅德剛次坦蕩亭韻，自詠其書齋走筆步韻

錦城山下玉溪邊，新闢茅簷小洞天。詞客時來佳月

到，栖禽閑趁暮雲還。扶筇曳履松聲裡，藉草傾盃竹影前。花謝日暖風軟，屢倦餘孤枕石稜眠。

次南原東軒韻

塵鞍初卸上高樓，形勝俱收一轉頭。蛟宙接藍當檻立，蓼川拖練抱城流。水盤雲膾忘三伏，珠簾風漪帶九秋。賢主佳賓難會合，滿斟浮蟻洗離愁。

醉挾天風陟畫樓，岸巾高倚曲欄頭。林含野色村將晚，山帶雲容雨半收。對兔應傳仙白菓，步蟾須作鵲邊遊。真人蓮葉舟先泛，博望塵程不必求。

次金正續先韻

長念君家犯賊鋒，那知今日忽相逢。
鬢邊華髮添新雪，鏡裡朱顏減舊容。
去國孤臣同陸子，出塵豪氣是元龍。
後今永作幽棲計，西海青山異味濃。

次天將馮相公詠雪韻

風駟壯雪滿箕封，孤店遙聞一杵舂。
掩盡高林無鳥影，沉平長路斷人蹤。
殘哦寧歎三冬苦，上瑞還欣二麥豐。
神略雄苗夷自伏，區區何數蔡州功。

又次馮相公韻

邊地三冬雪擁廬，征夫應有念鄉居。
角風傳鼓角聲高，下日聯旌旗影卷。
舒肯畜奇謀，神莫測華搗。華藻錦

難如平倭羨凱朝，天日遠信須傳一鴈書。

原韻

旅客憂時自掩廬，元戎命駕慰離居。
排空雲影旌旗動，耀日霜華鈞戟舒。
專閩名高周尚父，擲辭價重漢相如。
諸公此會三生幸，珍重無忘尺素書。

次安大道韻

萬壑千溪木葉填，白雲何處有飛仙。
雨過巖面濃山翠，風動松枝韻野絃。
伴鹿孤蹤超物外，採芝幽興斷塵緣。
後今遠托仇池側，月下吹簫小洞天。

次抱月亭韻

名區形勝秘千年誰構亭臺壓海巔帆帶斜陽雲拂
島風吹輕浪雪翻天簷虛籟寂琴初響酒滿人歡月
正圓此是蓬萊仙境界坐來塵事摠忘旃

次培風軒韻

玉立青尖百丈峯峯頭樓閣倚剛風蒼茫烟樹孤村
外明滅漁燈一望中鳥帶雲飛天曠蕩帆隨日沒海
冥濛瓊宮銀闕應非遠鶴背仙書信可通

次車君雲格

青蓋童童萬葉齊坐來涼氣自淒淒吟詩正合騷人
翫警露端宜野鶴棲雨送寒聲聆忽爽月含疎影望

都迷蕭然連院無塵事酒可孤斟瑟可携

次宗之韻

鏡中霜髮日蕭疎自笑虛勞萬卷書一鈞生涯長作
客十年擊鼓未安居酒寬憂思骨無滯詩就珠璣與
有餘萬樹依依城上柳莫將金色更驚予

茂朱次寒風樓韻

微雨輕衫渡斷橋試攀飛檻近天高灘聲半雜松聲
遠雲影無涵山影搖野鷺有情當岸浴巖花無賴逐
風飄深盃漱灑傾樽綠乘興聊揮雪兔毫

和李黃鍾仲初坦蕩亭韻

小亭橫壑斷磯遙俯瞰南溟萬里天孤鳥遠從滄島
沒片帆長帶落霞還烟村收笛寒蘆外沙岸漁簑細
雨前風靜疎林春晝永開襟徒倚曲欄眠

羅德明克之送葡萄兼寄一律因步其韻

星槎回遠始知名漢苑曾聞綠蔓縈脩架風輕虬鬣
亂虛簷日暮帳羅橫並連涼露微垂淚齒帶新霜乍
有聲寧後忽驚神骨冷詩仙能解故人情

次答軒韻

甯然門巷斷蛩音碧眼高僧日遠尋衣濕天王峯雨
晚節穿青鶴洞雲深飢烹露菜長吟偈靜閉巖扉三

戒心相對閑談聽不盡日移松影半山陰

龍灣形勝鎮東邦萬馬雲屯擁節幢區別華夷橫疊
嶂界分南北赫重江將軍算熟無遺策羌虜心寒不
戰降刁斗聲沉邊國靜耕桑安業俗淳龐

次鵝溪韻贈僧

龍城客子卧疴餘一笑相逢物外渠蕭寺幾聞烟裡
蒼山盤時薦雨前蔬焚香禮像燈懸後誦偈登壇月
上初安得從遊雲海畔碧梅花下見仙書

次李敬差純仁韻

秋山遊賞興難緘歸思飄如馬脫銜萬壑楓林粧遠

出—溪流水繞重巖燈光明滅青深後歌響紫回拂
舞社莫道舟楫容易上蓬萊從古隔塵凡

次朴敬仲韻

手把仙人綠玉杖擬窮靈境探昌陽深林枸杞應階
吹幽壑神蹤定秘藏守戒僧飢蒼石竇歸巢鶴藟
松岡層層楓樹張紅錦滿眼秋光引興長

白嶽山淨土寺雙溪樓次圃隱韻

樓頭一笑對高僧勸和清詩愧未能北岳翠連南岳
重左溪波合右溪增風生虛谷秋聲遠月上疎林夜
氣澄倚檻閑吟肥骨冷况如仙界馭雲登

次安大道韻

年來脫馬卧荒郊得幽居斬白茅雨後逆岑橫海
角風前舞靄抹林梢周流身世沙鷁迹漂泊生涯慕
鸞巢涼閣悲懷無此致空蘭准賴有神交

次鄭季函韻

愁中孤計數殘更幾待黃雞遠店聲滿地干戈阻客
路漲天烟霧蔽陽明功名始信浮雲薄身世方知落
葉輕自顧膏中無一策欲尋鷓鴣舊時盟

次景學官大樸青溪洞韻

新結茅簷占翠原青霞迷洞鎖松門村藏楓葉綠遊

戶水泛槐花客趁源魚艇幾又沙火帽吟筇多在澗
苔痕高歌放浪忘機處杯以為盃石以樽

次聽潮樓韻

山川奇麗壯懷增佳句吟成愧未能動地鯨濤翻似
雪鋪床湘簟冷如水連檣遠浦隨風艇一點孤村隔
岸登陽盡元龍湖海氣快然疑挾羽仙登

次高濂之亭子韻

主人亭近大池深萬朶紅蓮托素襟笛裡山風吹鬢
髮琴邊江月照盃心一竿烟釣真生涯數點沙鷗是
賞音直在曾中長不屈高高天日自照臨

喚仙亭次河西韻

江南晴日泛樓船激灑金盃溢聖賢遠樹帶烟迷眼
底斷峯橫黛倒樽前清歌能使歸雲過纖手須教倦
客牽已踐名區銀色界縵山何必喚飛仙
夜泛剡溪雪下船風流曾慕古人賢詩情肯落青蓮
後逸興遶飛白鷗前玉笛聲從輕霧散蘭舟纜使羨
人牽飄然還似懸笙鶴一陟蓬萊訪列仙

次養真堂韻

太守嚶嚶慕古人機心忘了保天真襟懷瑩若波間
月政化温如脚底春翠竹蒼松為伴侶虛簷高榭養

精神公庭吏退飄香篆蕭散還疑物外身

鴈

一夜胡風振朔方翩翩紫塞鴈隨陽波寒古澤啼初
月烟淡荒磯拂曉霜趁隊驚翻蘆雪白呼群閑統稻
雲黃遣衣錦字挑成苦莫動哀音近楚鄉

枕碧亭

亭枕南溟百尺臯簷前蒼石戰洪濤千尋畫閣齊孤
鶯三疊神山戴六鰲數浪長鯨侵遠宙呼風颶毋簸
輕舳牙旗影落華譙外倚檻將軍氣自豪

伺侯島海棠花

東風習習日遲遲曳履乘晴步海湄霜白人嗟千丈
髮衰紅花笑一春枝輕盈態嫩烟收後綽約姿嬌雨
泣時自古知音難可遇必使何恨不題詩

錦水亭

蒼波一帶繞亭流車馬無人境轉幽雨檻懸燈驚宿
鴈風攪臨案伴眠鴉渴斟深椀茶翻眼閑曳脩綸魚
上鉤樂便逍遙慵便止浮名難助更何求

題富安串所寓民居室壁

鰲峯老子脫塵鞅野鹿江鷗與作曹戲酌綠醪邀月
醉浪吟佳句共風遶遠山拔地浮藍翠西海蒼天漲

雪濤飽得閑中清意味此間名利是秋毫

題鯁巖

盤石當途號鯁巖巖前溪水綠如藍數家籬落依青
樾千疊峯密鎖翠嵐羸馬征人愁欲老美陰幽鳥語
方酣他年買却閑田畝脩竹林中結草庵

遊赤城

仙區疑是倒層城霞氣旋從翠壁生楓染新霜千樹
赤沙鋪晴雪兩邊明鴨翻澄浪沉浮戲人掉輕舟上
下行日暮興酣轟鐵篴琴高出聽老龍鳴

寄務安徐進士尊丈

芒鞋踏盡翠微烟陪賞仙山二十年瞰海天臺筇
立觀魚齋石袂相聯人間一別元無定物外同歡信
有緣尺素書來江雪晚開絨清表正依然

天臺與徐上舍遊賞邊山於二十年
前各聚西未幾更尋前迹丙子冬余以
都會居接儒生試官來于天光佛印寺
與徐公之居相去不遠公適天臺有
感善之情因賦律以寄之

遊邊山寶相寺次伏巖韻

牛嶺巉巖路欲分飄然歸袂濕行雲巖
棟帝雨未離伴林鹿呼萍聚舊群松
韻石壇僧入定香浮竹院客采聞
捫蘿登塔吟將罷回首烟霏已夕曛

侍敬差官坐巖上偶吟

一夜新霜染萬林，楓如紅錦菊如金。
天垂平野涵秋色，日下遙空轉樹陰。
不管塵機多少事，却將詩料短長吟。
無邊光景供清興，須洗深觥蘸甲斟。

題 孝陵典祀廳壁上

鼎湖龍馭杳悠悠，鈞入橋山度幾秋。
巖木響含當日憾，丘民力被至今休。
雲沉荒陬添燈暗，苔蝕空階石馬愁。
典祀微臣遙拜跪，仰瞻陵像淚先流。

訪鄭慶遇於霞谷臨別留題精舍壁上

青眼交栖霞谷竒，來尋山路暮秋時。
蒼苔石上開情

話紅樹枝邊，倒酒危仙界。莫辭留俗筆，天紳應為洗。
塵詩依依若與佳人別，回首忘鞭去故遲。

羅收任允臣景龍挽歌

昔年相遇洛城塵，胸次無機混是真。
月白共飲孤館夜，花殘同賞小溪春。
聯袂樊縣言如昨，乞雨靈壇迹已陳。
西望海天雲漠漠，不禁流淚濕衣巾。

申直長彥沃挽二首

高門茅舍偶同鄉，做業攻文幾對床。
白雪論心靈寺夜，綠楊垂釣雨川陽。
雄懷豁達期君遠，短日淒涼使
我傷。寶樹森森盈玉砌，善膺多慶信穹蒼。

壯畲初擬北溟鯤萬里雲天快一翻點額風雷三汲
浪潛心詩禮一齋門輪蹄金井英聲震錢穀豐儲令
望尊二豎無端呈恠夢淚沾丹旆哭秋原

申彥深挽二首

相好相親四十年君衰我老各華巔幾眠芳草烟鋪
地長醉桃花雨洒道斫鱸溪頭波暖日呼鷹山下葉
飛天黃泉獨去無良友誰酌深盃勸甬前
笑他浮世白頭新君我交情老益親對酒寧知天欲
暮論懷不覺夜將晨高風肯羨功名客閑迹甘為耕
釣人可惜今成一斧屋此生無復見長身

往歲壬戌余之知公山也戚丈金道器氏袖鰲峯文
集來眎余曰此迺吾曾祖遺稿於君亦外高祖也任
此刊行非君其誰余拜受而卒業曰謹承教矣未幾
棄官及宰瑞寧旋即解歸厥後以家禍奔避無意於
人世事矣去秋來守是邦思副宿願遂謀剏刷氏拮
据財力始役於今春未終月而功告訖噫經營累載
竟成於今其有待而然歟茲豈非幸也

乙亥三月 日通政大夫行濟州牧使李孟泰謹跋
于摘林堂

新溪先生集卷之一

新溪縣令金公墓銘

從仕郎金君汝順與余里居相近意志莫逆相善日
 久為其先人新溪公書公之仕進日月行事顛末暨
 子若孫並其枝屬請誌其墓余泣而言曰余雖年差
 少於公拜公之門墻四十有餘年公之遇我特厚待
 以佳賓許以知文至作忘年之交聯余姓名于金蘭
 契末交情如何夜雪白蓮奉對青燈共討經史峰火
 斗升躑躅十層亭清滌心鷓波一帶或歌或号而酒
 而詩陪侍杖屨每忝遊賞愛我者公知公者我余雖

不文其何敢辭曰掩涕而序次其事曰公諱璧嘉靖
甲寅初拜典艦別提己未轉內資直長二司稱能辛
酉夏遷引儀是年冬陞監察事修法舉勞著績顯癸
亥首夏出知高敞縣近家山親友相連葛纏公以謹
簡自律免贈多口又有政聲戊辰冬除司僕主簿轉
為旅威縣令旅之為邑介畿甸當三道輪蹄全集素
謫煩劇接實理民俱得其要入服其才萬曆己卯四
月授黃海之新溪縣荒民殘治之不易政如舊規而
益新邑用無事官罷歸田家性溫壽長枝茂葉衍一
境歸福焉至於祀廟盡敬上塚致誠恤隣以惠睦族

以恩既孝且厚謂之善人非乎公初娶郡人李綬女
早世無后繼室鄭氏忠順衛珩之女生二子長曰汝
健以蔭為忠順衛次曰汝順增為役仕忠順之初室
柳氏牧使世華女生一子德元再室羅氏幼學聚之
女生四子男一女三男信元與凡德元同升萬曆己
丑之春榜生貢女適忠義衛韓恂幼學柳潛其季未
適人德元初娶李氏牧使長榮女生一男一女男曰
己甲女適金鼎吉再娶宋氏內禁衛得榮女生一女
方在襁褓從仕之配曰嚴氏弘文典翰所之女生三
子男曰弘元孝元女尚髫稚弘元娶鄭郡守敦復女

無子而天繼室李氏訓鍊奉事弘嗣女公之小室曰
鄭二相大年女賢而無子公又有庶子女四入男曰
汝分求榮女歸柳浚宋遂興公於萬曆二十年十一
月十五日以疾終卜滄其吉得明年之正月十七日
葬於先公墓側向壬坐丙之原山號碧川洞曰石寺
直郡治之北五里有許遠係之以詩曰維積之多維
發之厚善孰無報公壽且富位不稱德將昌其後刊
詞玄宅以永其保

崔公汝浩墓誌

君諱汝浩字元潔其先全州人高麗時有仕為侍中

者諱曰阿侍中生龍鳳龍鳳之孫中文科拜地官叅
議諱震生諱得之累官至少尹少尹生諱縣監自睦
縣監之子諱汾以武官從仕矣官歸田武官之後有
諱命孫中成化丁酉科累遷出守平安之宣川郡是
實君之曾王父也王父諱希潤早沒父諱鎮河終時
年甫二十有一妣景氏秦山人星之女君懷胎數月
而考歿生未半歲而妣亡孤苦無依寄鞠於祖母李
卒見長成君夙遭愍凶痛自嗟悼曰人有父母惟我
獨無是必獲戾于天若不祗懼厥咎益深不言人過
不害人善睦族以恩待友以信安分守拙任真推誠

門庭之內上安下順君之配曰康津金氏性質粹美
祇奉蘋蘩勤執麻枲又能致孝私親年四十五於隆
慶三年己巳六月二十六日先君以終君自金氏之
亡傷懷纏疾痞濕交作沉綿數載竟至於不救萬曆
二年甲戌四月三日年五十以卒是年九月葬于先
塋之側與金氏異穴同域里曰長順山曰墓洞窆封
於背卯面酉之原直古阜郡治之東三十里有子五
人男四女一女適柳三光長曰安次富寅容安生敬
承敬行二子等欲為君乞銘於余以余從君遊最久
茲不獲辭謹叙其世系心行而記之皇明萬曆七年

四月日撰

處士金公齊參墓誌銘

聞韶之金系出羅代所謂朴昔金三以壻傳祚繼王
千年者也闕智氣化金楹以金其姓此鷄林自出之
人也統承鷄林傳世三十八闕智有遠裔謂敬順王
傳納土麗祖子孫分派有子三人長曰錫以王蔭封
義城君此吾家之籍所由貫於義邑也仲鏈封江陵
君季鏞封彥陽君皆乃先蔭而為之也義城之後世
有仕于麗朝贈銀青光祿大夫太子詹事諱龍庇居
事之子諱宜官至銀青光祿大夫尚書左僕射僕射

之子諱瑞芝官至朝頭大夫內盈小尹小尹之子台
權以奉翊大夫拜文睿府左司尹司尹之子諱居翼
官至右相右相之子湄拜直提學直提學之子運秋
仕光廟朝拜弘文館校理未及就職而卒文章德行
藉甚一時不幸早世不得大施命也於君為曾王父
校理有二子長曰傳顯君之祖考也以恭靖大王三
世孫女壻承王子從義大君之蔭為忠武衛宣畧將
軍副司直中廟初又拜濟用別提而終考諱顯好讀
書喜文詞性稟溫厚慈諒易直屢屈場屋有志未遂
亦以先蔭付籍璿源為忠武衛階至司果君於兄弟

第三人也上有二兄曰齊閔齊顏下有二弟曰齊孟
齊南君諱齊參字士魯少有大志致力詩文及其累
試不中遂矣舉業優游山野親舊之有識者咸曰君
以世族之士不可無名稱君曰是也遂為忠武衛至
其階君天姿豪宕不拘小节然未嘗不謹守禮範孝
於老母和於兄弟閨庭之內人無間言喜酒能飲多
而不亂戶使溫克而然也母扶寧金氏高麗太學士
坵之後贈戶曹參判同知義禁府事諱錫沃之女贈
承政院都承旨兵曹正郎直孫之孫金氏之弟啓為
時名卿官至戶曹參判忠貞之聲震於朝著君娶蔚

山金氏亦望族也君無男有三女長適坡平尹墳次
適碧骨趙德厚季女時未適入尹趙二郎有賢行而
甚文其終未可量也尹女之子天高趙女之子雷霆
皆見名而俱在孩提天高穎悟異於凡兒君奇愛之
君於萬曆十六年八月七日戊子以疾終於家以其
年八月己酉窆於興德縣治之東十有五里久壽洞
之據山乃君之岳祖秦水之莫原也君之伯兄奉列
大夫行和順縣監齊閔恐君之賢行泯滅無傳垂淚
誌之銘曰飛之刺天有何績驥之鬪足奚不釋善孰
使短惡誰令長事萬不齊仰視茫洋四尺堂封一片

荒岡刊此玄石永示無疆

高敞縣校重脩記

萬曆十三之秋李公弘業佩銅魚莅平陽祗謁先聖
省視廟宇卑而湫基之惡也秋而小制之陋也惕然
不寧思有以重新之侮寇鼠動邊氓雲擾有志未就
于茲五年撫摩而民蘇節用而錢聚欲遂初志謀爰
有衆咸願趨令公乃杖屨逍遙相得其地正直縣之
子丑之方老蔡食墨青烏協吉占相之宜也石劔攢
青川紳拖白景致之嘉也公諗于衆曰建廟於此不
亦宜乎雷應曰宜攻石者攻土者督墨之工風斤之

手鳩之四方皆欲儆切公猶慮其後之以民勞而
農病申告方伯驅召緇徒以赴其後於是量其基局
定其面勢圭臬陰陽繩準卑高經營既畢工乃孰後
首建聖殿而次立兩廡又修東西二齋左右厨庫繚
而垣墻塗以丹雘正其階砌治其庭壇位置有序規
度合禮神位安甫師生獲處講明有堂巖修有舍鬱
金脰黍蒸釀之地山罍龍勺收守之所靡一之不守
更思未盡之事而並建櫺星之門櫺星者天之田也
號廟門以櫺星由衣食之門而入禮義之室古人取
象之義也公之建也有深意焉等臺而樹之松柏鑿

池而種之美葉抑有詭乎浴乎沂風乎舞雩何與於
學夫子之喟然者深取乎游泳之間自得夫閑中之
趣也亭亭翠蓋卓秀淤泥何有於道濂溪之愛之者
草木之中亦有一般天理也然則池臺之遊息暢舒
有得於言意之表者從可知矣當其光風吹而皓月
流天松作寒聲荷泛清芬登乎臺而臨乎池高歌而
咏詩彈琴而遺興洒落之氣象比之浴沂豈足多讓
夫學校之設為教道也教道非寓於儀制而儀制不
備則無以見尊道之意也見儀制而究其心則公之
尊聖樂道之誠為如何耶做事於己丑之初秋而訖

功於其年之八月後之頌而民不知後遊乎也工之
多而事不怠董得人也食之衆而糧不匱推美財也
事事之得其要伊誰之功太守之賢也公之為政仁
於撫字簡於用度公於詞訟而又能深知教化之本
源愛養儒士而崇重聖教公之居官之道無以加矣
縣人吳希吉安社來道其循良之政而請書其事余
聞其言而美公之政賢公之德遂及其事之始末而
記之

有明朝鮮國通訓大夫軍器寺正金公墓碣銘
萬曆己亥二月二十二日驚峯金公壽七十三卒于
漢師後葬古阜優德里負卯之原後四十五年癸巳
公之曾孫又器以其從父地輿扶冒霜靈馳千里來
抵奔舉述其先志曰吾祖即世今幾日月而墓道無
刻責在不類蓋謀所以事其事遂聚族經始而未訖
緒矣乃今謹具其行事敢以死請銘余既嘉其意又
感誠篤終不可以陋拙辭謹按公諱齊閔字士孝聞
韶人新羅敬順王之後在勝國榮祿不替入本朝有
諱居翼致位右相子曰涓孫曰運秋繼踵上三堂寔

公之高曾祖諱傳顯委禽王孫之門考諱顯仍二代
食德舍章顯妣扶寧金氏父錫沃生負祖直孫正即
以嘉靖丁亥十月二日生公性不駁量有容受業於
李先生一齋之門研窮經學咀嚙子史戊午登上岸
癸酉擢文科公之舅金啓誦雲江方公之唱名也承
宣在密直人爭賀雲江有甥酷似是必成宅相矣然
公素無宦情恬於進取故八則秋曹卽軍器正出則
和順寧淳昌守丙己壬辰之難公手草檄倡義勤王
元戎兵潰公獨能軍仍之以癸甲饑饉人相啖食而
盜也戒其徒焚劫莫犯淳昌公所居一村賴之而全

丁酉賊又存食勢騰風雨公溥海隅幾不脫忽有舟
子出海呼淳昌公安在遂以舉族沆濟而免中身棄
軒冕卜築天台下鰲峯以自歸玩心酒賦間友于兄
弟睦於宗族處事接物一任之真氣度泰然未嘗作
皺眉事鄉黨皆稱樂易君子爲文老益入妙尤癖於
馬史斯文如月汀霽峯諸公實宗師之遊其門者寧
多以文鳴於世所著甚富而佚於兵燹只有保邦要
務一編四十餘策觀此亦可以得其人矣之才之諧
足以庇民興邦而終不得見施於當世潛卽署沈下
邑以沒地悲夫娶金海金氏叅奉閩球之女生五男

二女男曰現曙暉昕暹女適韓鼎臣徐夢璉現判官
二男一女地元地宗曹浩曙好學而短折三男一女
地文地粹地華金孝元暉奉事精於易著安朋九篇
四男二女地生地成地千地兼泉夢說裴命純昕縣
監三男三女地英地興地完全奎朴文郁金大探暹
副正二男一女地行地允鄭諲地粹甚文捷魁科焯
有大名官通政府使有三子良器次器又器并瑚璉
七家聲庶乎不墜地矣曾玄數十百人多不盡載銘曰
侯羅華胄氏讓王有麗蟬媽為龍光越我宅揆尤大
彰嗣有夫子戒墜荒再鳴於文彼明章自守泊如任

舍歲十年為官不過即百里止棘非棲鳳鰲頭有孫
履顧祥以續前徽令聞長懸爾來雲則百昌福留不
盡遺無彊猗彼瀛洲見若修琢此貞石示不忘
崇禎紀元戊辰之後二十六年癸巳坡平尹舜舉撰
并書



